

Adamuridagunt to Tagumairagûdaru Garada to Ayanuhabaun luagu le yubat haun gûrigia ubauwagu

Tagûmeseha

Subûsewati ubauwagu, dan lan ligirûn gûrigia lun ladûgûni le ligundan, ibihalai le yubai lun lidan deregûdaguaû, ligia lan lagûchabai gudûmei hadan sun idûheñu.

Subûsewatiluaгу, dan lan meferen lan luma mabahûdûniwa lan le yubai lun gûrigia, ru lan ubafu lun afôsihani, mañuragunti giñe saminaû ubauwagu. Ligia lichigunbai subudi lun giarabailan linûragun gûrigia lidangien anûfudei labu yumûrau le gadanbalin, lun lubó gia lówagachun lau le aubai magundan lan, ariñegalai me le uóguti lafiñera;

Subûsewatiluaгу megeiwa tan aban lûrudu lun taunigiruni sun le yubai haun gûrigia, lun lubó gia úaló afosuruti lun ladûgûni le mabusienru lubai tanógangien lûrudu;

Subûsewati giñe luagu megeiwa lan lahimeidun umódaguaû lidan sun ubau;

Subûsewati luagu, sun lan fulasu le óundarubai tidaun Ubau Uarati rûhamali hafiñe tuagu Garada to, mamai tichiga inébehabu hawagu idûheñu fulósurugu, ayónuha luagu le yubai lun gûrigia, ru tugia me úarani lun wûgûritabu wûri ubauwagu; afiñewati luagu lawónsera lan me sun ubau lugundu hawiwanda me gûrigia lidan ibógari richati;

Subûsewati luagu, sun lan ubau le óundarubai tidaun Adómuri Lani Ubau Uarati ariñegaña luagu ñeibai lan inébehabu luagu le yubai lun gûrigia adûgalai me ligûndan:

Subûsewati luagu, dan úara lan saminaû sigénewali, lagúnfuliruba daradu:

adamuridagunt to

Tagumairagûdaru

garada to ayanuhabaun luagu le

yubathaun gûrigia ubauwagu

Lun lubó gia hasubudiragûdûni tila lun sun ubau, haun sun gûrigia. Aban górada íchigutu adundehaní haun sun mutu lun lubó gia inebe lan sun saminaû le tídanbai, haucha wagia me lun taraudún tidan luban furendeí, haun furumieguarûgû dandu lidan hagaira ha asibihabalún kaisi lidan sun fulasu le aubai teréreha.

Saminaû 1

Sun gûrigia nasíruati yuti lun, lidan úarani, lawiwandúní libógari kai le aubai labúsienra, gatu giñe lanagun lingua buidu hadan libegu.

Saminaû 2

Ka gûrigia, wûri, wûgûri, yuti lun libíhini sun buidu le tídanbai Górada to, katai yebe, linósinñu, lewegerûn, lagûcha, lafiñe, liñeñe, lisóminan luagu gumadi, lúyeri libógari, lagûriahaun odi le auti lanagua lingua.

Siñabai giñe, ñei lan díseguâ luagu ligóburi saminaû anûgûti ubafu bagaira ni luagu tigóburi lûrudu to agumairutu ñei, siñó memebai giñe ñei lan díseguâ luagu lúyeri aruwaihaní arainiruti bagaira, dipení yebe ligia luaigien amu.

Saminaû 3

Ka gûrigia yuti lun labógaridun kai le aubai labúsienra, lun lasórinñahan, adûgalai me le ligundan inébewa ligia me.

Saminaû 4

Uati lunti lamuridún ni lun lamúdihan, lubó amúdhani luma lalugurûn gûrigia kai idómuni, faini lumuti lûrudu.

Saminaû 5

Siñati basufuriragûdûn gûrigia, barûgûda, busíganu, anóneiha lun ñeigien bachûraguai.

Saminaû 6

Ka gûrigia yuti lun, le ñei lumuti, lun inébewa lan lau lumógagun, lugundgu ka mutu amu linóhuri luai amu.

Saminaû 7

Sun mutu aban habu tigíbugien lûrudu, ani yuti giñe tun lûrudu taríhin hau. Yuti giñe tun lûrudu, lidan úarani, tererehan hau gûrigia ligíbugien furumieguarûgû lúyeri nabahûdûni.

Saminaû 8

Yuti tun lûrudu taríhin lau gûrigia dan lérereguní likésin, gounigitai me hawai lóganigu.

Saminaû 9

Tanógangien lûrudu, siñati lasiadirûn gûrigia, siñati lebélurun furísun, siñó labugûn lagairagien.

Saminaû 10

Ka gûrigia yuti lun, lidan úarani, lagambúniwa ligíbugien gumadi lun lubó gia lasubudiragun lingua, kalan yubai lun, luma le lunbail ladûuguûni tagónagua lûrudu.

Saminaû 11

Yuti tun lûrudu tíchigun ubafu lun fulédeiwati lun layónuhan luaгу lidan agúseruni.

Siñabai ladaûnragûdûnibu gumadi anhain úa lubai bidûrun tidan lûrudu. Siñabai giñe badaûrtûn luagu saragu dan luai le tídanbai lûrudu.

Saminaû 12

Uati lunti lóchachan liuma lidaun libógari amu ni lanóneihan haun lidûheñu, madórahan ligia me hagóradan amu, ua meóuseraguti. Yuti giñe tun lûrudu teréérehan laugien furumieguarûgû anhain asúsereda aban lídangien lamíselu le.

Saminaû 13

Ka gûrigia yuti lun lasórinñahan le ñeihin lumuti labúsienra, wiwan ligia me lidan furumieguarûgû fulasu le auti lagúndara.

Ka gûrigia yuti lun lófuridun lidangien furumieguarûgû fulasu, íbini lagairagien, giribuya ligia me lagairaun.

Saminaû 14

Dan lasigirûn odi lóibahaun furumieguarûgû gûrigia, yuti lun laríahan múñansu lidan furumieguarûgû ubau ani gatu giñe lamuñadún.

Siñabai giñe ladaûnrûn amuñadahauti luagu furumieguarûgû duru anhain úa lubai lúyeri duru ligia tidan górada to agumairubaun túmagien Ubau Uaratu.

Saminaû 15

Ka gûrigia yuti lun gagaira lan.

Siñati beréderuni gûrigia luai gagaria lan, siñó beréderuni anhain busien lubai lasansiruni lagaira.

Saminaû 16

Sun wûgûriña hama wûriña dan busienguaña lan haungua, yuti haun hadûgûni habógari le auti helédaguai, katai yebe hanósiñun, hagaira labu hafiñe; wiwan hamai mesun le líchigunbai sibili, lagónagua hamógualu hamón, labu larigien hígiragun.

Anhain hínsiñegua habai gadara-duntíñu haungua, gawarabai hasibilirûn anhaña busien.

Umari habu isanigu hagia lagüchabaña ibógari lidan furumieguarügü adómuri, ani yuti giñe lun adómuri labu uruwai lóunigiruniña.

Saminaü 17

Yuti lun ka gürigia larihini lau le lónibai luma le hónibai sungua luagu.

Siñatiberéderuni gürigia luai le lónibai kaisi luai le yubai lun.

Saminaü 18

Sun gürigia yuti haun hasóminarun le auti habúsienra, lun hadügüni le líchigun haritagun haun, subudigüda hama me hafiñe lun ubau; gawarati giñe hasansiruni kaisi hagumairagüduni, ónhaña busien.

Saminaü 19

Yuti lun ka gürigia larinéguni lubóliti lidan adamuridaguni bidaudu lamanichagüdüniwa, gawara ligia ladügün akútihani, libihin, ariñahaní, subudigüdalai tidangien furumieguarügü gasibu, umólali tuma garúdia.

Saminaü 20

Sun gürigia yuti haun hadamuridagun hama ha úmati habúsienra kaisi haundaruh tidaun furumieguarügü adómuri súnaitu.

Siñati bafósurun gürigia lun lebélurun tidaun aban adómuri.

Saminaü 21

Yuti lun ka gürigia habóduhan lílana lagaira luagu haucha ligia me luaugua lun lebélurun lidaun gumadi.

Sun gürigia yuti haun, lidan úarani, habihin wadógimanu luma le arruwaihabai hagaira.

Le ligundan ubau ligia lagüchabai ubafu lani gumadi; igundani le, arihúati dan ñei lan asuesihani le ligiaguti, kaisi dan ñei lan abóduhani lidan larúman.

Saminaü 22

Ka gürigia kai lílana fulasu, yuti lun libihin sun lúyeri idemuai-seinsu, ibógari, anichigudandu hómagien lílana lagaira kaisi lasúrungien, lun lubó gia lasandiragun lungua kai aban gürigia seriwiti.

Saminaü 23

Ka gürigia yuti lun lidan úarani, libihin aban wadógimanu, lun lariahan wadagimanu lehínsiñeti lun, kai gubairügü libihin idemuai dan mayóbun lan.

Yuti lun ka gürigia, lidan úarani, libihin aban meme fayeí luagu aban meme lúyeri wadógimanu.

Yuti lun ka gürigia awadigimariduti, libihin fayeí lun gawarabai lan lawíwandun habu lónigu, ibiha ligia me, anhain emégeira, amu idemuai lumagien uruwai.

Yuti sun gürigia hadügün aban adómuri lenébase wadógimanu, belú hagia me tidaun, lun lubó gia haunigiruní le yubai haun.

Saminaü 24

Sun gürigia yuti haun, heméragun larigien somu dan wadógimanu, lun hasóriñahan dan mawadigimaridun hamón, kaisi tafayeirún hasóriñahan haun.

Saminaü 25

Ka gürigia yuti lun lammügün aban lúyeri ibógari richati, lun lubó gia gawara lan ladairun atuadini, araini, aigini, daüguaü, muna, lafaóyeirun surúsia luma furumieguarügü megeiguaü haun lónigu. Yuti giñe lun, libihin idemuai dan mayóbun lan, dan lasóndirun, dan lasiñaragün lungua, dan hilaru, lúmari, dan lawaiyadun, kai gubairügü furumieguarügü idemuai dan mama lan ligia ichiga üma lun leferidiruní lébuna libógari.

Yuti haun dagainatiñu habu iróhüñü lun letenirún haun, lau duóri. Sun iróhüñü ha nasíruatiñu lidan odi bórugudi luai sinbili, yuti haun haunigirún lidan aban.

Saminaü 26

Sun gürigia yuti haun habihin furendei. Anhaña atúriaha tidan luban furumieti furendei, mafayeirúbaña ni aban gówanü. Yuti lun uruwai laturiagüdüniña gürigia tidabn luban furumieti furuendei. Aturiahani tidan luban segandi furendei aban memebai lila haun sun mutu. Liabin ti ebéluruni tidaun luban furundei iñuti, hafu lauchun gürigia luaugua.

Sun furendei mosu tariahan tahímeidun lusan gürigia, ru ligia inébehabu luagu sun le yubai haun lílana fulasu; luyéri furendei le lunbai libihini gürigia gatú giñe líchigun saminaü lun ñebai lan gufúrandau, awandahani labu umódaguaü hadan sun mutu, itararügübai gawara lan lawóndahani labu umódaguaü hadan sun mutu, itararügübai gawara lan lawónserun tuódigimari Ubau Uaratu, lun lubó gia ñei meme lan darangilaü ubauwagu.

Yuti haun agüburigu hasuesihani luyéri furendei le lunbai habihini hasanigu.

Saminaü 27

Yuti lun ka gürigia lóundarun lidaun lechun lagaira, le auti labúsienra, lun layúsurun lídangien hadíñeburi, ideha ligia me lun lawanserun lagaira.

Ka gürigia yuti lun taunigirún lidiñeburikai hamuga: garúdia, akútihani, féindiraeréreha tugia me lúrudu laugien.

Saminaü 28

Ka gürigia yuti lun lauchun, lun ñebai lan aban ürüdüni lun giarabai lan lagúmairun sun saminaü le tídanbai Górada to.

Saminaü 29

Sun gürigia anihain lunti ladügüni luagu lagaira, mamai ñei lagúriahauwa, ñei tahímeida lusan.

Sun gürigia mosu inébebaun tan lúrudu lun, ladüga tugiartügüñaun lan ariha lau le yubai haun amu, tugia aunigirubalin ibagari fulósrugu, ru tugia buídumei lun bawíwandun tidan aban adómuri úaratu.

Mauwebudunbai sun saminaü le tídanbaun Górada to, anhawa magúnfulirun lau tubóliti Ubau Uaratu.

Saminaü 30

Uati ni aban saminaü tidan górada to lun hamuga líchigun ubafu lun furumieguarügü (kai hamüga gürigia, adómuri, uruwai) lun gawarabai lan ladügün somu katai barúnati luagun tubóliti górada to.